

Ubudlelwano benkolelo ye Mennonite World Conference

Ngomusa kaNkulunkulu, sidinga ukuphila lokufakaza izindaba ezinhle zokubuyisana ngoJesu Khristu. Njengengxene yomzimba munye kaKhristu ngazo zonke izikhathi lakuzo zonke izindawo, siqukethe okulandelayo okumqoka ekukholweni kwethu lakukho konke esikwenzayo:

1 UNkulunkulu munye bathathu, uYise, leNdodana loMoya oNgcwele. UnguMdali odinga ukubuyisana labantu abadilizwe yisono ukuba babe ngabantu abathembekileyo ebudlelwani babo, ekukhonzeni, ekumsebenzeleni lekubeni ngofakazi bakhe.

2 UJesu yiNdodana kaNkulunkulu. Impilo lemfundiso yakhe, ukubethelwa kwakhe lokuvuka kwabafileyo, kusitshengisa indlela yokuba ngabafundi abathembekileyo. Wahlenga umhlaba, njalo usipha impilo engunaphakade.

3 Njengebandla, singabantu ababizelwe ukuphenduka sidele isono, simazise uJesu Khristu njengeNkosi, sibhaphathizwe sesikholiwe, simlandele.

4 Njengabakholiwego, samkela iBhayibhili njengesiqiniselo sokholo lwethu, lichasiswa kithi ngokukhokhela kukaMoya oNgcwele, ngokukhanyisa kukaJesu Khristu ukuze siqedisise intando kaKhristu ekumlaleleni.

5 UMoya kajesu usipha amandla okuthemba uNkulunkulu kuzo zonke izigaba zempilo ukuze sibenzele ukuthula, siyale indlela yodlakela, sizithande izitha zethu, sidinge indlela yokulunga, sikhazi ukwabelana labaswelayo inzuko esilayo.

6 Siyahlanganya ndawonye ukukhonza, ekudleni iSidlo seNkosi, ekulaleleni ukufundiswa kweLizwi likaNkulunkulu ngomoya munye.

7 Njengenhlanganiso yokholo lempilo emhlabeni wonke seqa imingcele yezizwe, imihlobo, izigaba zenhlalo, ubulili lobulilikazi lendimi. Sidinga ukuphila emhlabeni singabotshwanga ngamandla esono, sifakaze amandla kaNkulunkulu ngokusebenzela abanye, sinake yonke indalo, njalo sinxusa bonke abantu ukuthi bamazi uJesu Khristu njengeNkosi.

**Kunkolelo le sizuza intshisekelo edabuka kubokhokho kuma-
Anabaptist bona abaphila eminyakeni yetshumi lesithupha yeminyaka elikhulu (16th century), abayibo abasicandela indlela entsha yevangeli likaJesu Khristu. Sidinga ukuhamba siphila ebizwensi lakhe ngamandla kaMoya oNgcwele, sisalinde ukuphenduka kukaKhristu lokugcwaliseka okupheleleyo kombuso kaNkulunkulu.**



Mennonite World Conference
A Community of Anabaptist related Churches

Congreso Mundial Menonita
Una Comunidad de Iglesias Anabautistas

Conférence Mennonite Mondiale
Une Communauté d'Eglises Anabaptistes

